



Reykjavík, 17. janúar 2019
2019010019
4.1.2

Menningar-, íþróttá- og tómsunduraráð


Borgartúni 14
105 REYKJAVÍK

Samningur við KFUM og KFUK 2019

Á fundi íþróttá- og tómsunduraráðs 25. maí 2018 var samþykktur samningur við KFUM og KFUK vegna starfsemi félagsins í Reykjavík.

Hjálagt fylgja drög að samningi við KFUM og KFUK vegna ársins 2019. Í fjárhagsáætlun í ár er gert ráð fyrir þessari fjárveitingu.

Lagt er til við menningar- og íþróttá- og tómsunduraráð að það samþykki samningsdrögin.


Ómar Einarsson.

Samningur um samskiptamál Reykjavíkurborgar og KFUM og KFUK í Reykjavík

Íþróttá- og tómstundasvið f.h. Reykjavíkurborgar og formaður KFUM og KFUK í Reykjavík gera með sér svohljóðandi samning um samskiptamál hvað varðar styrkveitingar, rekstur og önnur sameiginleg hagsmunamál.

1. Markmið og hlutverk

Markmið samnings þessa er að efla tengsl Reykjavíkurborgar og KFUM og KFUK í því skyni að efla starf KFUM og KFUK í Reykjavík, æsku borgarinnar til heilla. Samningur þessi er gerður á grunni náins samstarfs Reykjavíkurborgar og KFUM og KFUK á liðnum árum. Samningurinn er til nánari skýringa á því samstarfi og til að marka framtíðarstefnumótun í samskiptum aðila.

Reykjavíkurborg viðurkennir þjónustu- og uppeldishlutverk KFUM og KFUK í æskulýðs- og tómstundarmálum og hlutverk sitt og skyldur gagnvart borgarbúum. Þá vill Reykjavíkurborg með samningi þessum tryggja, að það fé sem borgarsjóður leggur til starfs KFUM og KFUK nýtist sem best þeim borgarbúum er taka þátt í starfi KFUM og KFUK.

Með samningi þessum er kveðið á um áherslur varðandi innra starf KFUM og KFUK í Reykjavík og gagnkvæmar skyldur KFUM og KFUK og Reykjavíkurborgar varðandi útfærslu á barna- og unglíngastarfi og öðru starfi á vegum samtakanna. Með samningnum er mótuð stefna í framkvæmd barna- og unglíngastarfs á vegum samtakanna á gildistíma samningsins sbr. 2. gr. samningsins. Sýna skal fram á árangur af starfsemi í ársskýrslu með samanburði við upphafleg markmið.

Hlutverk KFUM og KFUK er m.a. að efla og þroska börn og ungt fólk til að verða sjálfstæðir, virkir og ábyrgir einstaklingar í samfélaginu.

2. Framkvæmd

Með samningi þessum heitir KFUM og KFUK að kappkosta að gera sem flestum börnum og unglíngum kleift að taka þátt í starfi samtakanna m.a. með því að veita þeim greiðan aðgang að því starfi sem þar fer fram. KFUM og KFUK skal kappkosta að haga skipulagningu sinni þannig að starfið verði í boði í öllum hverfum borgarinnar. Haga skal starfinu þannig að það sé á þeim tímum er henti eðlilegu skólastarfi og fjölskyldulífi.

3. Styrkveiting

Gert er ráð fyrir að styrkveitingar Reykjavíkurborgar nemi kr. 26.600.000.- á ári vegna reksturs skrifstofu og faglegrar þjónustu KFUM og KFUK á árinu 2019. Fjárveitingin er með fyrirvara um samþykkt fjárhagsáætlunar Reykjavíkurborgar. Íþróttá og tómstundaráð (hér eftir ÍTR) mun halda eftir greiðslu vegna fasteignagjalda KFUM og KFUK, sem eru áætluð alls kr. 8.000.000.- árið 2019. Eftirstöðvar greiðslna, alls kr. 18.600.000.- greiðast með jöfnum greiðslum fjórum sinnum á ári.

Styrkurinn er m.a. veilttur vegna:

- Barna- og unglíngastarfs yngri iðkendur 9-12 ára.
- Unglíngeildastarfs 13.-16 ára
- Starf fyrir eldri ungmenni en 16 ára.
- Leiðtogaþjálfun.

Skrifstofa

KFUM og KFUK rekur skrifstofu/þjónustumiðstöð í aðalstöðvum félagsins við Holtaveg. Þar starfa framkvæmdastjóri, fjármálastjóri, bókari og afgreiðslufulltrúi.

Æskulýðsfulltrúar

KFUM og KFUK er með tvö stöðugildi æskulýðsfulltrúa í Reykjavík sem hafa aðsetur á skrifstofu félagsins. Æskulýðsfulltrúarnir skipuleggja og samþætta starfið og halda utan um sameiginlega viðburði s.s. æskulýðsmót og námskeið.

Námskeiðahald

Til að tryggja faglegt æskulýðsstarf stendur félagið fyrir reglulegri uppfræðslu starfsmanna og sjálfboðaliða 18 ára. Ungt starfsfólk okkar þarf að sinna faglegu fræðslu- og uppeldishlutverki, en einnig að vera vel að sér í öryggismálum. Þannig kennum við þeim bæði skyndihjálpi, brunavarnir og fleira sem snýr að öryggi. Velferð barna og unglunga er í fyrirrúmi. Að greina vanrækslu eða misnotkun barna er hluti af því sem okkar unga starfsfólk þarf að geta. KFUM og KFUK á mjög gott samstarf við barnaverndaryfirvöld.

KFUM og KFUK heldur reglulega helgarnámskeið fyrir 15-17 ára ungmenni til að auka með þeim hæfni til starfa á vettvangi félagsins og í lífinu sjálfu.

Rekstur húseignar

Aðalstöðvar KFUM og KFUK, húseignin við Holtaveg 28.

4. Skilyrði fyrir styrkveitingu

Skilyrði fyrir styrkveitingu er að KFUM og KFUK skili ÍTR ársreikningi og starfsskýrslu. Við undirritun samnings skal KFUM og KFUK leggja fram áætlun til þriggja ára um helstu verkefni og áherslur á barna- og unglungastarf á tímabilinu. Félagið skal í áætlunum sínum setja fram skýr markmið um starfsemina, tillögur að settu marki og hvernig skuli staðið að mati á árangri.

KFUM og KFUK skal hafa virka jafnréttisstefnu, siðareglur og fylgja mannréttinda- og forvarnarstefnu Reykjavíkurborgar sem og kynna sér stefnumótun Reykjavíkurborgar í mannréttinda- og forvarnarmálum.

KFUM og KFUK skal halda kynningu á því verki sem fjárveiting fór til án sérstakrar þóknunar sé eftir því óskað af Reykjavíkurborg. KFUM og KFUK skal upplýsa í kynningum á starfsemi sinni að samtökin njóti fjárframlaga frá Reykjavíkurborg.

5. Rekstrarstyrkir og viðhald

ÍTR fh. Reykjavíkurborgar og KFUM og KFUK gera með sér samkomulag um greiðslur og aðra framkvæmd vegna rekstrarstyrkja fyrir hvert fjárhagsár, sem lagt er fyrir stjórn ÍTR og KFUM og KFUK að aflokinni gerð fjárhagsáætlunar hvers árs. ÍTR mun annast öll fjármálaleg samskipti milli Reykjavíkurborgar og KFUM og KFUK.

Styrkveitingar vegna viðhalds mannvirkja skulu eftir atvikum ákveðnar sérstaklega af ÍTR.

6. Samskipti

Stjórnir ÍTR og KFUM og KFUK annast framgang samnings þessa. Framkvæmdastjórar og skrifstofur samningsaðila annast dagleg samskipti. Stjórnir ÍTR og KFUM og KFUK eru sammála um að veita hvor öðrum gagnkvæma ráðgjöf um þau málefni sem samningsaðilar vísa sín á milli til umsagnar.

7. Trúnaður

Samningsaðilar skulu virða sem trúnaðarmál allar þær upplýsingar um starfsemi gagnaðila sem þeir kunna að öðlast við framkvæmd samnings þessa nema lög kveði á um annað, enda séu þær ekki almennt þekktar eða hafi verið gerðar opinberar. Þagnarskyldan helst eftir samningslok. Fulltrúar KFUM og KFUK skulu virða þagnarskyldu skv. 101 gr. sveitarstjórnarlaga nr. 138/2011 og meðhöndla persónuupplýsingar af fyllsta trúnaði og gæta ákvæða laga nr. 77/2000 um persónuvernd og meðferð persónuupplýsinga.

8. Vanefndir og meðferð deilumála

Reykjavíkurborg áskilur sér rétt til að rifta samningi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu KFUM og KFUK. Telji annar samningsaðili sig ekki geta uppfyllt ákvæði samnings þessa skal tilkynnt um það tafarlaust skriflega. Ef fjárframlag frá Reykjavíkurborg er notað í öðrum tilgangi en samkvæmt samningi þessum eða á þann hátt að gengur í berhögg við markmið og stefnu hennar áskilur Reykjavíkurborg sér rétt til að rifta samningum og/eða krefjast endurgreiðslu framlagsins að hluta eða öllu leyti þegar í stað. Rísi mál vegna samningsins skal það rekið fyrir Héraðsdómi Reykjavíkur.

9. Gildistími

Samningur þessi tekur gildi frá og með 1. janúar 2019 og gildir til 31. desember 2019. Hvor aðili um sig getur þó óskað endurskoðunar á samningnum á samningstímanum

Samningur þessi er gerður í þremur samhljóða eintökum, einu fyrir hvern samningsaðila.

Reykjavík,

2019

F.h. Íþróttá- og tómsundasviðs

F.h. KFUM og KFUK í
Reykjavík

Vottar að rétttri undirskrift, dagsetningu:

Nafn

kt.

Nafn

kt

Samþykkt á fundi menningar-, íþróttá- og tómsundaráðs

2019